


清會典

七十八九上

禮部二十二三上



漢書
九〇八號

漢書門類	九〇八	函號	一三二	架冊	一六〇
------	-----	----	-----	----	-----

內閣文庫	漢書	九〇八	函號	一三二	架冊	一六〇
------	----	-----	----	-----	----	-----

內閣文庫	漢書	908	冊數	160(46)	函號	295 10
------	----	-----	----	---------	----	--------



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM Kodak



禮部

南庫

祠祭清吏司

郎中員外郎主事分掌

郊壇

宗廟

陵寢羣祀諸大典及凡祭事曆日方技之事

祭祀通例

國家典制祀事為重爰自

太宗文皇帝建

壇立

大清會典 卷七十一 禮部二十二

廟。大祀肇興。

世祖章皇帝乘時定制。羣祀具舉。

聖祖仁皇帝釐定樂章。禮文悉備。我

皇上至仁大孝。盡誠盡敬。凡大小祀事。考核精詳。自京師至天下郡縣。俱有祀典。其間儀文度數。詳略不同。兼綜並列。以昭一定之典。則云。

凡祭祀日期。禮部於每歲九月中。劄欽天監。選擇該監擇定。於十月中。開送祀冊至部。隨劄知太常寺。於每祀祀前預行具題。

天壇。

地壇。

祈穀壇。於二十五日題。

太廟。

社稷壇。

朝日壇。

夕月壇。

歷代帝王廟。

先師文廟。

太歲壇。於二十日前題。其餘羣祀。於十五日前題。凡

大清會典 卷一百一十八
天壇

地壇

祈穀壇

太廟

社稷壇爲大祀。

皇帝親祭。或遣官恭代。及

太廟後殿。遣官致祭。

從壇兩廡。遣官分獻。初。由禮部先期題請。後由太常寺先期題請。

凡

朝日壇

夕月壇

歷代帝王廟

先師文廟

先農壇爲中祀。遇甲丙戊庚壬年。

皇帝親祭

朝日壇。遇丑辰未戌年。

皇帝親祭

夕月壇。或遣官恭代。其餘各年。遣官致祭。

皇帝親祭

歷代帝王廟。

先師文廟。

先農壇。係特行崇典。其每年遣官致祭。初。由禮部先

期題請。後由太常寺先期題請。

凡

太歲。

神祇等壇。

先醫。

東嶽。

城隍等廟。為小祀。每年遣官致祭。初。由禮部先期

題請。後由太常寺先期題請。

凡致齋。大祀三日。中祀二日。齋戒前一日。禮部

太常寺題請。進齋戒牌。銅人預設黃案一。於後

左門。至齋戒日早。禮部太常寺官各具補服。遇

日。用朝服。遇忌辰。用素服。遇雨雪。用常服。捧齋戒牌在前。銅人在後。

排御仗一對前導。至

午門。御仗撤退。禮部太常寺官由

御道中路行。進中左門。行至後左門入。恭設黃案一

於

乾清門中間東簷下。齋戒牌向南。銅人向西。置黃

大清會典 卷一百一十八
案上銅人手執齋戒銅牌。其齋戒硃牌貼黃紙。書齋戒日期。置畢。堂官一跪三叩頭。退。後專由太常寺。

凡各衙門齋戒。遇齋戒日。各衙門俱設齋戒木牌。若

天壇

地壇

祈穀壇。大祀。應陪祀王以下。公以上。各於本府致齋。鎮國將軍。民公以下。阿達哈哈番。佐領以上。滿漢文官員。外郎等官以上。漢武官。遊擊以上。及滿

科道。漢六科掌印給事中。在各部院本衙門齋宿。不在部院衙門者。於

天安門外橋南齋宿。都察院遣官至齋所點齋。其祀

太廟

社

稷

朝日

夕月

歷代帝王廟。叅領。阿達哈哈番以上。滿漢文官。郎中

等官以上。漢武官遊擊以上。及滿科道。漢六科掌印給事中。在本家齋宿。預期沐浴。祭日。各具朝服赴

壇。

廟。陪祀。不許喧譁失儀。越次先散。及隨從人役喧擁。違者。御史禮部等官。指名題叅。如遣官恭代。王以下。公以上。不齋戒。文武等官齋戒同。

凡陪祀致齋各官。不理刑名。不辦事。不宴會。不聽音樂。不入內寢。不問疾。不弔喪。不飲酒。不食葱韭薤蒜。不祈禱。不報祭。不祭墓。其有炙艾體

氣。殘疾。瘡毒。未愈者。俱不許陪祀。各官遇有期年以下之服。該衙門預咨都察院註冊。臨祭祀時。復咨都察院對冊詳查。有捏報者。指名題叅。○康熙三十三年。議准。陪祀致齋各官。有期服者。准註冊。一年不齋戒。大功小功總麻歿在京師者。准一月不齋戒。在原籍亡故聞訃者。准十日內不齋戒。○三十九年。覆准。陪祀官員。故違不到。向有處分定例。但日久事弛。稽察不嚴。以致怠玩。嗣後凡遇祭祀。著部院堂官。該旗都統。查明咨送太常寺。若無事假托不到。都察院會

同吏部叅處。○雍正五年。

諭。

壇。

廟祭祀。關係甚要。理宜潔淨齋戒。聞大臣官員。於齋戒處飲酒嬉戲。殊非敬謹齋戒之禮。應派官稽查。嗣後派御史二員。派各部院衙門司官四員。每旗派賢能旗員各一員。內務府官二員。三旗侍衛二員。前往

壇內嚴行稽查。如被查出。卽行叅奏。其齋戒臨近時。將旗下大臣職名具奏。朕酌量派往。至於旗下大臣。

俱有管兵責任。祭祀前一日。不必前往

壇內齋戒。於各本旗衙門齋戒。至次早預先前往。

凡小祀。不進齋戒牌。各衙門亦不致齋。

凡祝文。由內閣撰寫。

天壇祝版。天青紙。硃書。

祈穀壇同。

地壇祝版。白紙。墨書。黃紙鑲邊。

社稷壇同。

朝日壇祝版。紅紙。硃書。

夕月壇祝版。白紙。墨書。黃紙鑲邊。恭填

御名。

初。由禮部恭寫。送內閣恭填。御名。後由太常寺恭寫。今撰寫。俱由內閣。

歷代帝王廟。

先農壇。如遇

皇帝親祭之年。太常寺官送祝版至內閣。與

夕月壇同。

凡

視祝版。前期二日。禮部題請

視祝文。玉帛香。儀各另載。并派讀祝官一員。惟四孟特享

太廟。有

後殿祝文一版。共二版。增派捧祝版官一員。展祝文祇

大臣一員。後由太常寺。○雍正二年。議准。

視祝版日。如遇忌辰。

視

天壇。

祈穀壇。

地壇。祝文。

上具補服。執事大臣官員俱補服。

視

太廟祝文。

上具素服。執事大臣官員俱素服。

社稷壇春秋致祭祝文。暨

朝日壇。

夕月壇。

上躬詣行禮之年祝文。如遇忌辰。俱太常寺官照例由內閣恭捧安設。

凡祭日。如遇雨雪。奏請具常服行禮。○雍正四年。

諭。朕思一切祭祀。俱係前一日告祭。而風及雨雪。難以預料。倘祭祀之日。遇有風及雨雪。前一日已經

告祭。如何更易。可否於祭祀之日。早行告祭。著大學士等會同議奏。遵

旨議准。嗣後除歲暮祫祭

太廟。有一定日期。

躬耕藉田。必用亥日。仍前一日告祭外。凡有祭祀。俱於本日告祭。遇有風及雨雪。該衙門臨期請旨。

• 凡致祭時辰。順治十五年。題准。

天壇。冬至日子時。

地壇。夏至日卯時。

祈穀壇。正月上辛日子時。

太廟時享。俱用寅時。

社稷壇。二月。八月。上戊日子時。

朝日壇。春分日卯時。

夕月壇。秋分日酉時。

歷代帝王廟。八月擇吉用子時。

先師廟。二八月。上丁日子時。

三皇廟。二月十一月上甲日子時。

先農壇。二月擇吉用子時。如遇

皇帝行耕藉禮。用亥日。

城隍廟。八月擇吉用子時。

太歲壇。正月初旬。十二月歲暮用子時。

萬壽節。祭

真武廟。

東嶽廟。

城隍廟。俱用子時。○康熙十二年。議准。凡祭

壇。

廟。俱於黎明時行禮。惟

夕月壇定於酉時。

凡視牲。遇大祀。前期五日。遣官詣犧牲所視牲。

其省牲。前期二日。遣禮部堂官省牲。初。由禮部先期題請。後由太常寺先期題請。

凡宰牲。前期一日。禮部都察院。太常寺。光祿寺官。上香。監宰。併瘞毛血。

凡玉五等。曰蒼璧。曰黃琮。曰赤璋。曰白琥。曰方珪。惟祀

天。

地。

社。

稷。

日。

月。用之。

凡帛七等。曰郊祀制帛。曰奉先制帛。曰禮神制帛。曰展親制帛。曰報功制帛。曰告祀制帛。俱織成滿漢字。又有白色素帛。

凡牲四等。曰犢。曰特牛。曰太牢。牛一。羊一。豕一。曰少牢。

其牛色尚駢。或黝。大祀。入滌九旬。中祀。三旬。小祀。一旬。設犧牲所官。屬太常寺。○凡祭肉。國初。用熟獻。順治間。用生獻。惟

太廟。

陵寢祭用熟獻。後定。各處祭肉俱用生獻。

凡祭品。登一。實以太羹。煮肉汁。不用鹽醬。鉶一。實以和

羹。鹽醬肉汁。籩十二。實以形鹽。鯽魚。棗。栗。榛。菱。芡。鹿

脯。白餅。白麵造。黑餅。蕎粉造。糗餌。米粉造。粉餈。糯米糕。豆

十二。實以韭菹。以韭切去本末。用中四寸。菁菹。芹菹。筍菹。醯

醢。猪用鮮。用鹽酒料物調和。鹿醢。兔醢。魚醢。脾析。用牛百葉細切。湯熟。

用鹽造。豚拍。猪肩肉。飽食。用糯米飯。羊脂蜜熬。糝食。粳米飯。用牛羊豕肉

細切同熬。簠二。簋二。實以黍。稷。稻。粱。其用籩十者。無

糗餌。粉餈。豆十者。無飽食。糝食。

凡樂四等。有九奏。有八奏。有七奏。有六奏。所奏

樂器。金鐘十六。玉磬十六。琴十。瑟四。簫十。笛十。

篪六。排簫二。塤二。笙十。大鼓一。搏拊鼓二。祝一。

敔一。木笏十。干戚六十四。羽籥六十四。麾幡一。

旌節四。舞皆八份。用文舞生六十四人。武舞生

六十四人。惟

先師廟。六份。止用文舞生三十六人。其

先農壇。

三皇廟。

真武廟。

東嶽廟。

城隍廟。

火神廟。

關帝廟。俱教坊司鼓樂承應。惟

親祭

先農壇。用樂舞生。

凡祭祀服色。

園丘。

祈穀壇。

皇帝御天青禮服。

方澤。

皇帝御明黃禮服。

朝日。

皇帝御大紅禮服。

夕月。

皇帝御月白禮服。其餘羣祀。

皇帝皆御明黃禮服。王以下陪祀各官。皆服其本等

朝衣補服。樂舞生。

園丘。用天青銷金花服。

祈穀壇同。

方澤。用黑色銷金花服。

朝日壇。用紅色銷金花服。

夕月壇。用月白色銷金花服。

先師廟。用紅色補服。祭用紅色銷金花服。綠紬帶。裹

金銅頂。武舞生頂有三义。

凡祭日

皇帝親詣祭所。或遣官詣祭所。時太常寺官一員。至

乾清門所設齋戒銅人案前。一跪三叩頭。捧齋戒

牌。銅人至

午門外。置紅櫃內。排御仗一對。送太常寺庫收貯。

視祝版儀

祭有祝文。

皇帝躬親閱視。以告虔也。儀列於後。

前期二日。太常寺題請

視祝文。并派讀祝官。是日早。鑾儀衛官率校尉自祭

所昇祝文龍亭。至

午門外預備。太常寺官。

朝日。朝服。常日。補服。

設黃案一於

太和殿。設黃案一於

中和殿內正中。捧祝官至內閣請祝版。內閣官拱

授。捧祝官跪接。捧舉。排班前導。進

太和門。至

太和殿。安於所設黃案上預備。太常寺堂官奏請
皇帝御中和殿。東立。西向。太常寺官捧舉祝文。排班
前導。由中路進。至

中和殿內。置所設黃案上。一跪三叩頭。退立西旁。
太常寺堂官進至案前。展祝文。祇退出西榻扇
立。

皇帝詣案前。

視祝文。畢。行一跪三叩頭禮。轉東旁立。太常寺官進
至案前。裏祝版。仍安設架上。退。捧祝文官進至
案前。一跪三叩頭。將祝文捧舉。由

太和殿中階出。太常寺堂官奏禮畢。

皇帝回宮。太常寺官捧舉祝文。排班前導。至

午門外。安龍亭內。一跪三叩頭。興。校尉昇亭。前排
御仗一對。太常寺官隨行。至祭所。捧祝文官於
龍亭前。一跪三叩頭。送

神庫內黃案上。安設。上香。畢。一跪三叩頭。退。

視玉帛香儀

• 冬至大祀

圜丘。上辛。祈穀

上帝。特於前期。捧玉帛。香與祝版同

視典至鉅者儀益詳也。列於後。

上帝位前玉帛香

蒼璧一

郊祀天青制帛十二

上辛帛用一。

沉圓炷香一

沉圓餅香十二

降真圓餅香二十四

配享神位前香帛

奉先白色制帛各一

速圓炷香各一

速方瓣香各五十

皇帝視玉帛香。前期二日。太常寺題請。是日。設黃案

於

太和殿西旁。預備。至期。太常寺官具補服。

如遇朝日。仍用

朝服。進至

太和殿。將前期所設西旁黃案。安設正中

御位前。捧玉帛香。官捧至

午門。與捧祝文官會齊。鑾儀衛官領校尉昇香爐

亭在前。祝文亭在中。玉帛香亭在後。由中路進

至

太和殿內。將香爐亭在

御位東安設。祝文。玉帛香。二亭在

御位西安設。太常寺堂官奏請

視祝文。玉帛香。

皇帝御補服。

陞太和殿。東立西向。太常寺官捧舉祝文在前。玉第
二。

上帝帛第三。

太祖帛第四。

太宗帛第五。

世祖帛第六。

聖祖帛第七。小香盒第八。大香盒第九。依次捧舉。排班

前導。由中路進。至

太和殿內。置

御位前黃案上。祝文在中。玉在東。正設。

上帝帛在西。正設。

太祖帛與

世祖帛在玉東。旁設。

太宗帛與

聖祖帛在

上帝帛西。旁設。二香盒在祝文後設。捧舉官等。各一跪

三叩頭。退。立西旁。太常寺堂官展祝文。祇退。

皇帝詣案前。

大清會典 卷一百一十八
禮部 禮部二十二
視祝文。

視玉。

視帛。

視香畢。行一跪三叩頭禮。轉東旁立。太常寺官。仍至案前。裏祝版。退。捧祝文。玉帛。香等官。近案前。一跪三叩頭。興。將祝文。玉帛。香。捧舉。置各龍亭內。一跪三叩頭。退。司香官一員。在香亭東。捧舉香盒跪。太常寺堂官二員。恭導。

皇帝至龍亭前立。上炷香。又三上瓣香。轉至拜位。行一跪三叩頭禮。復至東旁立。捧香官置香盒於

亭內。鑾儀衛官領校尉昇香爐亭。祝文亭。玉帛香亭。照前次第。由

太和殿中階下。太常寺堂官跪。奏禮畢。

皇帝回宮。校尉昇亭。前列御仗。太常寺官隨亭後。由

大清門出

正陽門。至

天壇。捧祝文。玉帛。香等官。各就龍亭前。一跪三叩頭。興。
• 將祝文。玉帛。香。送

天壇神庫內。青案上安設。各一跪三叩頭。出。

大清會典卷之七十八

大清會典卷之七十九

禮部祠祭司

郊祀一

崇德元年肇祀

郊壇。順治元年定。每歲冬至祀

天於

圜丘。夏至祀

地於

方澤。八年建

朝日壇。以春分致祭。

夕月壇。以秋分致祭。十四年行

祈穀禮於

大享殿。若歲旱之禱於

南郊。及

大享殿之合祀。禮樂儀節。具載於後。

園丘

崇德元年四月。肇祀

天於南郊。在德盛門外。其制九成。

○順治元年。定。每歲冬至。大祀

天於南郊

園丘。在永定門內。其制三成。以

大明

夜明

星辰

雲雨風雷為四從壇。配享。○四年。冬至。

世祖章皇帝大祀

天於

園丘。○五年。冬至。大祀

天於

園丘。奉

太祖高皇帝配享。前期四日。遣官四員。祭告

天。

地。

宗廟。

世祖章皇帝詣

壇行禮。奉安

太祖高皇帝神位於

上帝神位之左旁青幄內。

太祖高皇帝位前上香。獻帛。進胙。初獻。亞獻。終獻禮。俱

與

上帝位前同。一應禮儀。俱與冬至大祀同。○十四年。

諭。南郊祀

天。禮宜嚴重。祀前五日。朕親詣視牲。祀前一日。朕親宿

齋宮。如遣官恭代。亦著詣壇齋宿視牲。永著為令。○

是年三月。奉

太宗文皇帝配享

園丘。前期一日。遣官祭告

天。

地。

宗廟。

社。

稷。正祭日。

大清會典

卷七十九

禮部二十三

三

世祖章皇帝詣

壇行禮。恭捧

神位。奉安於

上帝之右旁青幄內。一應禮儀。與冬至大祀同。○康熙

六年。冬至。

聖祖仁皇帝大祀

天於

圜丘。奉

世祖章皇帝配享。前期。遣官祭告

天。

地。

宗廟。

社。

稷。正祭日。

聖祖仁皇帝詣

壇行禮。恭捧

神位。奉安於

上帝之左。

太祖高皇帝之次。第二青幄內。一應禮儀。俱與順治十

四年同。○是年。題准。每歲冬至。大祀

天於

圜丘奉

太祖高皇帝

太宗文皇帝

世祖章皇帝配享以

大明

夜明

星辰

雲雨風雷分四從壇。

皇帝親詣行禮。或遣官恭代。

從壇。遣官四員分獻。禮部預期題請。○五十八年。

諭祭祀

天壇。朕雖年高。必欲親詣。於祭前升壇瞻仰。省視俎豆。

量力跪拜。退處帷中。俟恭代親王行禮畢。然後回鑾。

將朕親詣之處。著祝文內。○六十一年十一月十五

日。冬至。大祀

天於

圜丘。前期五日。

聖祖仁皇帝命

皇上恭代行禮。十三日。

大清會典 卷七十九
聖祖仁皇帝疾大漸。

命

皇上嗣皇帝位。改遣大臣恭代行禮。十四日。祝版恭填。

皇上御名。太常寺堂官。由內閣恭捧安設。十五日。承祭官行禮。時各官不陪祭。○雍正元年。冬至。

皇上下大祀

天於

園丘奉

聖祖仁皇帝配享。前期。遣官祭告。

天。

地。

宗廟。

社。

稷。如常儀。至正祭日。

皇上詣

壇行禮。恭捧

神位。奉安於

上帝之右。

太宗文皇帝之次。第二青幄內。一應禮儀。俱與康熙六

大清會典 卷七十九
年同。○是年。恭加

太祖高皇帝

太宗文皇帝

世祖章皇帝尊諡。禮成。遣官重修

天壇配享

神牌。備書新加

尊諡。於

壇內安奉。○是年。題准。每歲冬至。大祀

天於

圜丘。奉

太祖高皇帝

太宗文皇帝

世祖章皇帝

聖祖仁皇帝配享。以

大明

夜明

星辰

雲雨風雷分四從壇。

皇帝親詣行禮。或遣官恭代。

從壇。遣官四員分獻。太常寺預期題請。

凡大祀

園丘前後儀節陳設。順治初詳定遵行。惟

配享神位遞增。儀亦遞備。今據雍正元年照例題定儀

注。具列於後。其衙門職掌。王公到

壇先後。官員迎送地方。歷年小有異同之處。注明各條

下。

一。前期五日。詣犧牲所視牲。

皇帝親詣行禮。遣官視牲。如遣官恭代。即承祭官代

視。預期題請。

順治四年。定。禮部奏請遣官。十四年。

世祖章皇帝親詣視牲。是年定。如遣官行禮。即承祭官

恭代。初由禮部題請。後由太常寺題請。

一。齋戒前一日。太常寺預行題請。

初由禮部。今由太常寺。

一。前期三日。太常寺官進齋戒牌銅人。如常儀。

初太常寺官捧齋戒牌銅人。送至

端門。禮部堂官具朝服。送至

太和殿。設於

丹陛中間黃案上。後禮部太常寺官。送至

乾清門。恭設於中間東簷下黃案上。今專由太常寺。

皇帝致齋三日。是日。各衙門俱設齋戒牌。陪祀王以

下各官。齋戒。如常儀。

順治十四年。

世祖章皇帝始詣

壇齋宿。在內齋戒二日。在壇齋戒一日。是日。王以下陪祀各官。隨駕赴壇齋宿。

一。前期二日。遣禮部堂官一員省牲。太常寺題請。

初由禮部題請。今由太常寺。

一。祝文由內閣撰寫。恭填

御名。

初由內閣撰交禮部恭寫。仍送內閣恭填御名。後交太常寺恭寫。今由內閣恭寫。

一。前期二日。太常寺題請

視祝版。玉帛香。并派讀祝官。

初由禮部題請。後由太常寺。具載視祝版儀。視玉帛香儀。

一。前期一日。禮部都察院。太常寺。光祿寺官。俱

朝服。上香。監宰牲。並瘞毛血。

一。

正壇第一成。奉安

皇天上帝神牌。正中南向。

太祖高皇帝神牌。東設西向。

太宗文皇帝神牌。西設東向。

世祖章皇帝神牌。次東設西向。

聖祖仁皇帝神牌。次西設東向。各於天青幄次安設。

從壇第二成。奉安

大明神牌。在東一壇西向。

夜明神牌。在西一壇東向。

星辰神牌。在東二壇西向。日北斗七星。日木火土金星。日二十八宿。日周天

辰星

雲雨風雷神牌。在西二壇東向。各於天青幄次安設。

一。正祭日早。先於各

神位前。陳設供物。設胙牛於壇下黃棚內。設燎牛於燎

爐上。爐內安香。

一。

正壇陳設。

上帝正位前

犢一

蒼璧一

郊祀制帛十二天青色。

登一

簋二

簋二

籩十二

豆十二

蒼玉爵三

酒罇一

金爐一

金燈四

燔牛一

太祖高皇帝配位前

太宗文皇帝配位前

世祖章皇帝配位前

聖祖仁皇帝配位前

奉先制帛各一色白 金燈各二

供品與

上帝位前同。不用玉。

一。

四從壇陳設。

大明位前

禮神制帛一色赤

牛一

登一

簋一

簋二

籩十

豆十

青磁酒盞二十

青磁爵三

酒樽一

爐一

燈四

夜明位前

禮神制帛一色白

供品與

大明位前同。

星辰位前

禮神制帛十一

青色一。黑色一。

黃色一。白色七。

赤色一。

牛一

羊一

豕一

登一

鉶二

簋二

簋二

籩十

豆十

青磁酒盞三十

青磁爵三

酒罇一

爐一

燈四

雲雨風雷位前

禮神制帛四

青色一。黑色一。

黃色一。白色一。

供品與

星辰位前同。

一。正祭日早。禮部。太常寺。官。詣

皇穹宇。恭請

上帝神牌。

太祖高皇帝

太宗文皇帝

世祖章皇帝

大清會典

卷七十九

禮部二十三

七

聖祖仁皇帝神牌。及

從壇神牌。於各香案前。上香。一跪三叩頭。捧起。奉安龍亭內。一跪三叩頭。鑾儀衛校尉舉亭。

上帝神牌在前。次

太祖高皇帝

太宗文皇帝

世祖章皇帝

聖祖仁皇帝神牌。次

大明

夜明

星辰

雲雨風雷神牌。由北門入。轉至

壇前階下。各官於亭前俱一跪三叩頭。恭捧

正壇神牌官。恭捧

上帝神牌。

太祖高皇帝

太宗文皇帝

世祖章皇帝

聖祖仁皇帝神牌。由中階上。跪安第一成

壇各青幄內。一跪三叩頭。退。恭捧

從壇神牌官。恭捧

大明

星辰神牌。由東階上。恭捧

夜明

雲雨風雷神牌。由西階上。跪安第二成

壇各青幄內。一跪三叩頭。退。

一。正祭日早。太常寺官一員。至

神庫祝版案前。上香。一跪三叩頭。捧請祝版。排燈一

對前導。送至

壇內安設祝案上。一跪二叩頭。退。

皇帝親詣行禮。陪祀王。貝勒。貝子。公等。先赴

壇。於下馬處祇俟。陪祀文武各官。先赴

壇。於

昭亨門外。隨鴻臚寺官引至櫺星門外。東西排立。

從壇分獻官。俱先於櫺星門西排立。不陪祀王以下

文武各官。俱朝服。於

午門外分翼排立。

順治四年。定。陪祀王以下。公以上。在

午門內。金水橋齊集。候

駕過。隨行。不陪祀各官。俱在

天安門外橋南兩旁排立迎送。康熙六年。定。不陪

大清會典 卷一百一十九
祀各官在
午門迎送。雍正元年定。陪祀王以下。公以上。亦先
至。

太常寺官奏請詣

壇。

皇帝出宮乘輦。鹵簿大駕全設。

午門鳴鐘。不作樂。不陪祀王以下各官。俱跪送。

駕進西天門。至

昭亨門外鋪櫬薦處。降輦。前十大臣。次贊引官。對

引官。恭導

皇帝進昭亨左門。進更衣幄。次更祭服。出。盥洗畢。贊

引官。對引官。恭導

皇帝由櫺星左門。至二成黃幄。次拜位前立。王。貝勒

等。在三成階上排立。貝子。公等。在階下排立。分

獻官四員。進櫺星西門。在公後立。文武各官。在

櫺星門外分翼排立。典儀唱樂。舞生就位。執事

官各司其事。武舞生執
干戚引進。贊引官奏就位。

皇帝就拜位立。典儀唱燔柴迎

帝神。爐內燔柴。協律郎唱舉迎

帝神樂。奏始平之章。樂作。贊引官奏陞

壇。恭導

皇帝詣第一成

上帝位香案前立。司香官捧香盒跪進於

皇帝右。贊引官奏跪。

皇帝跪。奏上香。

皇帝舉炷香上爐內。又三上瓣香。興。贊引官恭導

皇帝詣

太祖高皇帝位前上香。次詣

太宗文皇帝位前上香。次詣

世祖章皇帝位前上香。次詣

聖祖仁皇帝位前上香。其儀與

上帝位前同。正幄門兩旁香爐內。司香官二員。各跪上

香畢。贊引官奏旋位。

皇帝旋位立。樂止。贊引官奏跪。叩。興。

傳贊官贊衆官俱跪。叩。興。

皇帝行三跪九叩頭禮。興。王以下文武各官及分獻

官。俱隨行禮。興。典儀唱奠玉帛。協律郎唱舉奠

玉帛樂。奏景平之章。樂作。贊引官奏陞

壇。恭導

皇帝詣第一成

上帝位前立。捧玉帛官捧玉帛跪進於

皇帝右。贊引官奏跪。

大清會典 卷七十九
皇帝跪。奏奠玉帛。

皇帝受玉帛。拱舉。授玉帛。獻於案上。興。贊引官恭導皇帝詣

太祖高皇帝位前奠帛。次詣

太宗文皇帝位前奠帛。次詣

世祖章皇帝位前奠帛。次詣

聖祖仁皇帝位前奠帛。其儀與

上帝位前同。奠畢。贊引官奏旋位。

皇帝旋位立。樂止。典儀唱進俎。贊引官恭導

皇帝轉立拜位東旁。進胙各官。引廚役。舁胙牛。由中

階。以次進於

上帝

太祖高皇帝

太宗文皇帝

世祖章皇帝

聖祖仁皇帝各位前。陳設訖。

皇帝還位立。協律郎唱舉進俎樂。奏咸平之章。樂作。

贊引官奏陞

壇。恭導

皇帝詣第一成

上帝位前立。奏跪。

皇帝跪。奏進俎。

皇帝拱舉畢。興。贊引官恭導

皇帝詣

太祖高皇帝位前進俎。次詣

太宗文皇帝位前進俎。次詣

世祖章皇帝位前進俎。次詣

聖祖仁皇帝位前進俎。其儀與

上帝位前同。畢。贊引官奏旋位。

皇帝旋位立。樂止。典儀唱行初獻禮。協律郎唱舉初

獻樂。奏壽平之章。樂作。贊引官奏陞

壇。恭導。

皇帝詣第一成

上帝位前立。執爵官捧爵跪進於

皇帝右。贊引官奏跪。

皇帝跪。奏獻爵。

皇帝受爵。拱舉。授爵。獻於案上正中。興。贊引官奏詣

讀祝位。恭導

皇帝詣讀祝位立。讀祝官至祝案前。一跪三叩頭。捧

祝版跪。俟於案左。樂止。贊引官奏跪。

傳贊官贊衆官俱跪。

大清會典 卷一百一十九
皇帝跪。王以下文武各官俱跪。典儀唱讀祝。讀祝官
跪讀畢。興。捧祝版跪安。

上帝位前帛匣內。三叩頭。退。樂作。贊引官奏叩。興。傳贊官贊

衆官叩。興。

皇帝行三叩頭禮。興。王以下文武各官俱隨行禮。興。
贊引官恭導。

皇帝詣

太祖高皇帝位前獻爵於正中。次詣

太宗文皇帝位前獻爵於正中。次詣

世祖章皇帝位前獻爵於正中。次詣

聖祖仁皇帝位前獻爵於正中。其儀與

上帝位前同。

從壇分獻官於

皇帝陞

壇時。各由東西階詣各

神位前跪。上香。獻帛。獻爵。俱候

皇帝行禮時隨行禮。至讀祝時。亦各於

神位前跪。候讀畢。三叩頭。興。贊引官奏旋位。

皇帝旋位立。分獻官亦退至階下立。樂止。武舞生叩頭。退。文舞

生執羽籥引進。典儀唱行亞獻禮。協律郎唱舉亞獻樂。

奏嘉平之章。樂作。贊引官奏陞

壇。恭導

皇帝詣第一成

上帝位前。獻爵於案上之左。如初獻儀。贊引官恭導

皇帝詣

太祖高皇帝位前。獻爵於左。次詣

太宗文皇帝位前。獻爵於左。次詣

世祖章皇帝位前。獻爵於左。次詣

聖祖仁皇帝位前。獻爵於左。如前儀。分獻官各至

從壇神位前。獻畢。贊引官奏旋位。

皇帝旋位立。分獻官亦退立原班。樂止。典儀唱行終

獻禮。協律郎唱舉終獻樂。奏雍平之章。樂作。贊

引官奏陞

壇。恭導

皇帝詣第一成

上帝位前。獻爵於案上之右。如亞獻儀。贊引官恭導

皇帝詣

太祖高皇帝位前。獻爵於右。次詣

太宗文皇帝位前。獻爵於右。次詣

世祖章皇帝位前。獻爵於右。次詣

聖祖仁皇帝位前獻爵於右。如前儀。分獻官亦各至

從壇神位前獻畢。贊引官奏旋位。

皇帝旋位立。分獻官亦退立原班。樂止。文舞生叩頭退。太常

寺官唱

賜福胙。光祿寺捧福酒官一員。捧胙官一員。自案上捧

起。向

上帝位前拱舉。捧至

皇帝受福胙處。贊引官奏詣受福胙位。恭導

皇帝至受福胙位立。捧福胙官二員。跪於

皇帝右旁祇俟。接福胙侍衛二員。跪於

皇帝左旁祇俟。贊引官奏跪。

皇帝跪。奏飲福酒。

皇帝受爵。拱舉。授左旁侍衛。奏受胙。

皇帝受胙。拱舉。授左旁侍衛。各退。贊引官奏叩。興。

皇帝行三叩頭禮。興。王以下各官不隨叩。贊引官奏旋位。

皇帝旋位立。行謝福胙禮。贊引官奏跪。叩。興。傳贊官贊衆官

俱跪。叩。興。

皇帝行三跪九叩頭禮。興。王以下各官俱隨行禮。興。

典儀唱徹饌。協律郎唱舉徹饌樂。奏熙平之章。

樂作。捧玉官至

上帝位前。一跪三叩頭。捧蒼璧退。樂止。典儀唱送

帝神。協律郎唱舉送

帝神樂。奏太平之章。樂作。贊引官奏跪。叩。興。傳贊官贊衆官俱跪。

叩。興。

皇帝行三跪九叩頭禮。興。王以下各官及分獻官。俱

隨行禮。興。樂止。典儀唱捧祝。帛。香。饌。恭送燎位。

贊引官恭導

皇帝轉立拜位東旁。捧祝帛官。各至案前一跪三叩

頭。捧起。司香官。捧饌官。俱跪捧不叩。祝在前。次

帛。次饌。次香。捧送燎爐。

皇帝還位立。典儀唱望燎。協律郎唱舉望燎樂。奏安

平之章。樂作。贊引官奏詣望燎位。前引十大臣。

贊引官。對引官恭導

皇帝詣望燎位立。

從壇帛。饌。香。俱捧起。下東西階。送至燎爐。祝。帛。焚半。

贊引官奏禮畢。恭導

皇帝由櫺星左門出。王。貝勒。貝子。公。等。隨後出。衆官

兩旁排立。祇俟。

皇帝入更衣幄。次更衣。十大臣。贊引官。對引官。恭導

皇帝出昭亨左門外。乘輦。鹵簿。大駕前導。教坊作

皇帝還宮樂。奏祐平之章。王以下。公以上。隨後行。各

官出兩旁門。退。不陪祀。王以下各官。仍於

午門外排班跪迎。

午門鳴鐘。王等皆隨

駕入。

皇上還宮。各退。

一。祭畢。太常寺官進至各

神位前。一跪三叩頭。捧

正壇神牌。由中階下。安龍亭內。捧

從壇神牌。由東西階下。安龍亭內。各一跪三叩頭。次

第送詣

皇穹宇。至臺階下。亭止。各官於亭前一跪三叩頭。捧

各

神牌。於各

神座照舊安設。上香。一跪三叩頭。退。

一。正祭日。太常寺官至

乾清門。於齋戒牌銅人案前。一跪三叩頭。捧齋戒

牌銅人至

午門外。置紅櫃內。排御仗一對。送太常寺庫收貯。

一。遣官恭代。在三成階下行禮。升降俱由西階。

讀祝時。在二成階下跪。讀祝畢。行三叩頭禮。復位。不行飲福受胙禮。送祝帛饌時。退立西旁。王以下。入八分公以上。不齋戒陪祀。其行禮供獻俱同。

祝文

維 年歲次 月 日

嗣天子 臣 敢昭告於

皇天上帝曰。時維冬至。六氣資始。敬遵典禮。謹率臣僚。以玉帛犧齊粢盛庶品。備此禋燎。祇祀於

上帝。奉

太祖承天廣運聖德神功肇紀立極仁孝睿武端毅弘文定業高皇帝

太宗應天興國弘德彰武寬溫仁聖睿孝敬敏隆道顯功文皇帝

世祖體天隆運定統建極英睿欽文大德弘功至仁純孝章皇帝

聖祖合天弘運文武睿哲恭儉寬裕孝敬誠信功德大成仁皇帝配尚

饗。

如遣官恭代。改敢昭告於四字。為恭遣官致祭於六字。後倣此。

樂章

迎

帝神樂。奏始平之章。

敬承純佑兮。於昭有融。時維永清兮。四海攸同。
 輪忱元祀兮。從律調風。穆將景福兮。乃眷微躬。
 淵思高厚兮。恐負鴻則。聿章彝序兮。夙夜宣通。
 雲駟鑾輅兮。忽降中壇。翠旗分裊兮。列缺豐隆。
 肅始和暢兮。慶洽陶匏。百靈祗衛兮。齊明辟公。
 恭仰顛穹兮。神來燕喜。協昭慈惠兮。逃鑿予衷。
 奠玉帛樂。奏景平之章。

靈旗爰止兮。奉玉筵。執事有恪兮。駿奔前。
 有美珪璧兮。薦綺織。經緯獲理兮。耀瑚璉。
 來格洋洋兮。思儼然。孔忱翼翼兮。告中虔。
 進俎樂。奏咸平之章。

升肴珍錯兮。列豆籩。吉蠲爲饎兮。格乾園。
 九州美味兮。薦膏鮮。特性潔敬兮。苾芳筵。
 願垂降鑒兮。駐雲駟。錫嘉福兮。億萬斯年。
 初獻樂。奏壽平之章。

玉笋肅陳兮。明光。桂漿初醞兮。信芳。
 臣心廸惠兮。捧觴。醴齊載德兮。馨香。

靈慈徽眷兮。荷皇。勤仰止兮。斯徜徉。

亞獻樂。奏嘉平之章。

考鐘拂舞兮。再進瑤觴。翼翼昭事兮。次第肅將。

睟顏容與兮。蒼几輝煌。穆穆居歆兮。和氣洋洋。

生民望澤兮。仰睨玉房。榮泉瑞露兮。慶無疆。

終獻樂。奏雍平之章。

終獻兮。玉笋清。肅秬鬯兮。薦微誠。

磬管鏘鏘兮。協氣升。盈盈旨酒兮。勿替思成。

尙其醉止兮。懷嘉生。八龍蜿蜒兮。苞羽和鳴。

徹饌樂。奏熙平之章。

盟薦畢兮。精白申。虞燕娛兮。勞帝神。

百辟肅雍兮。傾壘尊。福施下逮兮。宜佑人民。

送

帝神樂。奏太平之章。

嘉德夙成兮。晻藹壇場。穆思迴盼兮。雲駕洋洋。

山河日月兮。朗耀崇深。青龍按節兮。白虎低昂。

洪鈞滌蕩兮。妖孽潛消。我求時惠兮。感思馨香。

鳴玉鏘金兮。肅若有望。紫壇蔽業兮。赫赫皇皇。

臣乘寶曆兮。載須我輔。願蒙博產兮。河岳鍾良。

天施地育兮。不可殫究。殖我嘉師兮。沐浴休光。

望燎樂。奏安平之章。

雷車電邁兮飛遠揚。有虔秉火兮炳越芳。

繁會賁鏞兮奮龍旂。俾爾昌熾兮降蕭光。

烝民歌福兮富壽康。予獲疇祉兮萬億斯皇。

此以上皆太常寺樂。

皇帝

郊祀還宮。導迎樂作。奏祐平之章。

皇天有命。列聖承之。

我后配德。文匡武綏。

海隅寧謐。神靈宴娛。

於萬斯年。流慶降釐。

此一章。教坊司樂。

園丘

配享奉安

神位儀

正祭日。鑾儀衛官。預設龍亭黃蓋御仗於

昭亨門外。恭置

神牌黃幄前。

駕至鋪櫻薦處。降輦。前引十大臣。次贊引官。對引官

恭導

皇帝進更衣幄次更祭服出盥洗畢贊引官對引官
恭導

皇帝入黃幄左門十大臣止。

皇帝詣

神位前行一跪三叩頭禮興近前跪恭捧

神牌興贊引官對引官由中門恭導

皇帝至龍亭前。

皇帝奉安

神牌於龍亭內行一跪三叩頭禮興避立左側校尉昇

神牌龍亭行黃蓋一柄御仗二對前導禮部太常寺官

十員兩旁導引十大臣贊引官對引官恭導

皇帝隨

神牌龍亭後行陪祀王以下內大臣侍衛等於

昭亨左門外南向北跪候

神牌龍亭過按翼隨行龍亭入

昭亨左門陪祀各官於行禮本班跪迎候過起向

上立。

神牌龍亭進外櫺星左門至

園丘壇壝內櫺星門外止十大臣贊引官對引官恭導

皇帝詣

神牌龍亭前。行一跪三叩頭禮。恭捧

神牌。興。十大臣贊引官對引官恭導


皇帝由櫺星門左門入。至

壇下。黃蓋御仗退。十大臣至三成止。

皇帝陞

壇奉安

神牌於第一成



上帝旁青幄內。跪安畢。興。贊引官對引官恭導

皇帝至香案前行一跪三叩頭禮。興。不贊。

致祭禮儀詳前。

